

Polazeći od međunarodnih konvencija o sportu, Povelje Međunarodnog olimpijskog komiteta, a na osnovu člana 11. Zakona o udruženjima i fondacijama ("Službene novine FBiH", broj 45/02) u vezi čl. 8. 9. i 10. Zakona o sportu ("Službene novine Kantona Sarajevo", broj 11/01), Skupština Kantonalnog Košarkaškog saveza Sarajevo, na sjednici održanoj 22. 12. 2004. godine donijela je

## **S T A T U T**

### **KOŠARKAŠKOG SAVEZA KANTONA SARAJEVO**

#### **I – OPŠTE ODREDBE**

##### **Načela organizovanja**

##### **Član 1.**

Košarkaški savez Kantona Sarajevo (u daljem tekstu: Savez) je sportska asocijacija/udruženje košarkaških klubovi i drugih pravnih lica iz oblasti košarkaskog sporta čija se sjedišta nalaze na Kantona Sarajevo sa ciljem da unapredju , razvijaju , promoviraju i propagiraju košarkaski sport medju gradjanima Kantona Sarajevo posebno mladim i djecom i doprinose reprezentovanju i afirmaciji košarakaskog sporta u Federaciji BIH , Bosni i Hercegovini i ,putem Košarkaskog saveza BIH/u daljem tekstu KSBIH /, u Evropi i svijetu.

Članovi Saveza mogu biti košarkaski klubovi i druga pravna lica iz oblasti košarkaskog sporta čija su sjedišta izvan podrucja Kantona Sarajevo uz predhodnu saglasnost KSBIH i odluke Skupštine Saveza.

Savez je neprofitna , vanstranačka i nepolitička organizacija.

Savez ne dopušta rasnu, nacionalnu, vjersku i političku diskriminaciju, te kršenje sloboda i prava čovjeka i građanina.

Članstvo u Savezu je dobrovoljno.

##### **Naziv i sjedište**

##### **Član 2.**

Potpuni naziv Saveza je: "Košarkaški savez Kantona Sarajevo".

Skraćeni naziv Saveza je: "KSKS" .

Savez djeluje na području Kantona Sarajevo.

Sjedište Saveza je u Sarajevu, ulica Mis Irbina br.8

##### **Svojtvo pravnog lica**

##### **Član 3.**

Savez ima svojtvo pravnog lica koje stice pod uslovima i postupku uredjenim zakonom Savez se upisuje u Registar udruženja kod nadleznog organa uprave .

Savez je neprofitna i nevladina organizacija.

Za svoje obaveze Savez odgovara do nivoa sredstava kojima raspolaže.

Savez ima svoje žiro račune .

##### **Predstavljanje i zastupanje**

#### **Član 4.**

Savez predstavljaju i zastupaju Predsjednik Skupštine , Predsjednik Upravnog odbora i Generalni sekreta Saveza .

#### **Pečat i štambilj**

#### **Član 5.**

Savez ima svoj pečat i štambilj.

Pečat Saveza je okruglog oblika, obima 3,5 centimetara.

Okolo je ispisan tekst latiničnim pismom: KOŠARKAŠKI SAVEZ KANTONA SARAJEVO”.

U sredini je ucratan oblik košarkaške lopte.

Štambilj Saveza je pravougaonog oblika sa tekstom u prvom redu:

KOŠARKAŠKI SAVEZ KANTONA SARAJEVO”.

U drugom redu je tekst: “**Sarajevo, ulica Mis Irbina 8 .**

U trećem redu je: “**Broj: \_\_\_\_\_/\_\_\_\_\_.**”

U četvrtom redu je: “**Datum \_\_\_\_\_godine**”.

O čuvanju i upotrebi pečata i štambilja stara se Generalni sekretar Saveza.

#### **Znak i amblem**

#### **Član 6.**

Savez ima svoj znak i amblem.

Oblik i izgled, te način njihove upotrebe i zaštite uređuje se posebnom odlukom Upravnog odbora / Predsjedništva.

#### **Sloboda udruživanja**

#### **Član 7.**

Savez je udružen u KS BIH i Sportski savez Kantona Sarajevo.

Savez se može udruživati u druge sportske saveze i sportska udruženja i meĐunarodne sportske asocijacije.

Odluku o udruživanju donosi Skupština na prijedlog Upravnog odbora Saveza .

Savez kao član KSBIH i drugih asocijacija, domaćih i meĐunarodnih, prihvata osnovna načela i meĐunarodne postulate ugraĐene u njihove statute i pravila.

#### **Jezik u službenoj upotrebi**

#### **Član 8.**

Službeni jezici Saveza su bosanski, srpski i hrvatski, a pismo latinica i ćirilica.

#### **Registrowanje Saveza**

#### **Član 9.**

Savez se registruje u Kantonu sarajevo kod nadležnog oragana u skladu sa zakonom

#### **Osnivanje privrednih društava**

#### **Član 10.**

Savez može osnivati privredna društva i druge privredne subjekte u skladu sa Statutom i zakonom u interesu sticanja dodatnih sredstava za razvijanje košarkaškog sporta.

Visak prihoda nad rashodima ostvarenim putem privrednih drustava i drugih privrednih subjekata osnovanih od starne Saveza mogu se koristiti isključivo za finasiranje djelatnosti Saveza.

#### **Matičnost Saveza**

## Član 11.

Savez svoje djelovanje ostvaruje na principima matičnosti za sve košarkaške organizacije na području Kantona, kao i kroz saradnju sa sportskim asocijacijama od šireg značaja.

## II – CILJEVI I DJELATNOST SAVEZA

### Ciljevi udruživanja

## Član 12.

Ciljevi udruživanja u Savez su naročito:

- podsticanje i razvoj košarkaškog sporta na području Kantona Sarajevo i šire;
- usklađivanje i koordiniranje rada članova Saveza po po pitanjima ostvarivanja programa razvoja košarkaškog sporta I drugim pitanjima od zajedničkog interesa
- sportska saradnja ;
- omasovljavanje košarkaškog sporta i društveno aktiviranje omladine;
- obezbjeđivanje društvenog ugleda i zaštite članova Saveza ;
- saradnja sa odgovarajućim državnim društvenim, naučnim i stručnim organizacijama i drugim organizacijama, organima i tijelima na realizaciji zadataka od zajedničkog interesa.

Pored ciljeva iz stava 1. ovog člana obaveza Saveza je:

- stvaranje uslova za organizovanje, provođenje i razvoj košarkaškog sporta kao aktivnosti građana (sport za sve), razvojnog i vrhunskog sporta;
- da doprinosi organizovanju aktivnog vježbanja I takmičenja školske djece i omladine kroz bavljenje košarkaškim sportom;
- praćenje i usklađivanje kalendara košarkaških takmičenja na području Kantona Sarajevo;
- unapređenje i usavršavanje talentovanih košarkaša mlađih uzrasta;
- utvrđuje i usavršava sistem obrazovanja i usavršavanja stručnih kadrova u košarkaškom sportu;
- da unaprijedi i razvija odnose u košarkaškim organizacijama;
- da problematizira statusna pitanja sportista i košarkaških stručnjaka i predlaže načine njihovog rješavanja;
- da na demokratskim principima obezbjedi formiranje organa, tijela i organizacija u košarkaškom sportu radi suzbijanja svih devijantnih pojava;
- informativno obrazovna djelatnost i popularizacija putem sredstava komunikacije;
- Realizacija informacijskog sistema o košarkaškim klubovima, sportistima, stručnim kadrovima u sportu, sportskim objektima;
- utvrđivanje zajedničkih interesa u vezi korištenja i gradnje košarkaških dvorana, zdravstvene zaštite sportista i osnovnog standarda perspektivnih i vrhunskih sportista;
- predstavljanje i zastupanje po pitanjima od zajedničkog interesa članova Saveza kod nadležnih organa vlasti i sportskim asocijacijama na nivou opština i Kantona Sarajevo , Grada , Federacije BIH i Bosne i Hercegovine
- organizovanje i provođenje sportskog marketinga, igara na sreću (sportska lutrija) i programa dopunskih djelatnosti, u skladu sa propisima.

U okviru Saveza mogu se utvrđivati i drugi zajednički ciljevi poslovi i zadaci za čije se ostvarivanje iskaže interes udruženih klubova..

## Član 13.

Osnovni sadržaj djelatnosti Saveza su:

1. uspostavljanje i organizacija sistema košarkaških takmičenja na nivou Kantona
2. Utvrđivanje stavova, prijedloga i inicijativa u vezi sa donošenjem i ostvarivanjem planova društveno-ekonomskog razvoja košarkaškog sporta na području Kantona Sarajevo;
3. Realizacija zakonom utvrđenog javnog interesa u sportu u segmentu košarke kroz:

- planiranje razvojnih potreba, sportskih aktivnosti djece, omladine i drugih građana,
  - programiranje razvoja i usavršavanje košarkaškog podmlatka, priprema košarkaša i košarkaških talenata na ostvarivanju rezultata na nivou Kantona,
  - organizovanje praćenja i vrednovanja fizičkih sposobnosti djece, omladine i građana, kao i preduzimanje mjera za njihov razvoj i unapređivanje,
  - koordiniranje informativno obrazovne djelatnosti na sistematskom uvođenju djece i omladine u sportskim aktivnostima prema njihovom izboru, naročito na provođenju obrazovnih aktivnosti putem škola košarke,
4. Učestvovanje u donošenju normativa i standarda na osnovu kojih Ministarstvo kulture i sporta Kantona Sarajevo finansira dio javnog interesa u sportu putem Saveza,
  5. Učestvovanje u utvrđivanju prijedloga za raspodjelu sredstava iz prihoda Kantona, Grada i Opština za finansiranje programa u košarkaškom sportu kojima se ostvaruje javni interes u sportu Kantona, Grada i Opština posredstvom Saveza,
  6. Uvrđivanje stavova i prijedloga od interesa za organizaciju sistema takmicenja na nivou Federacije BiH i BiH i predstavljanje i zastupanje tih stavova i prijedloga pred Košarakaskim savezom BiH i drugim košaraskim asocijacijama u BiH
  7. Zastupanje interesa i profiliranje zahtjeva udruženih košarkaških klubova I drugih košarkaških organizacija prema javnom i vladinom sektoru u sportu, a posebno o pitanjima:
    - sistema košarkaškog sporta,
    - planiranja izgradnje, održavanja i korištenja objekata na kojima se održavaju košarkaška takmičenja,
    - zdravstvene zaštite i osiguranja sportista,
    - kandidovanja za organizaciju sportskih priredbi i manifestacija,
  8. Stručno informisanje i osposobljavanje stručnog kadra za efikasnije provođenje djelatnosti,
  9. Organizovanje košarkaških sportskih priredbi i manifestacija,
  10. Utvrđivanje kriterija i mjerila za finansiranje programskih aktivnosti iz sredstava koja Savez obezbjedi putem marketinga, sportske lutrije, prikupljenih donacija, kotizacija, priloga i samofinansiranja učesnika,
  11. Izvršavanja usluga za organizacije u košarkaškom sportu (administrativno-tehničke usluge, računovodstveni poslovi, pravni poslovi i sl.) ,
  12. utvrđivanje kriterija i dodjela priznanja i nagrada za ostvarene rezultate u košarci na području Kantona,
  13. Savez vrši i druge poslove i zadatke u skladu sa Statutom i zakonom.

#### **Član 14.**

Djelatnosti koje su neposredno povezane s ostvarivanjem osnovnih statutarnih ciljeva Saveza iz prethodnog člana razvrstavaju se u skladu sa odredbama Odluke o standardnoj klasifikaciji djelatnosti u Federaciji Bosne i Hercegovine ( "Službene novine F BiH", br. 28/98 i 36/98- ispravka) i glase:

##### 92.623 Ostale sportske djelatnosti

- organiziranje i vođenje sportskih takmičenja na otvorenom ili zatvorenom prostoru, za amatere ili profesionalce, od strane organizacija koje imaju ili nemaju vlastite objekte:
- djelatnosti vezane uz propagandu ili izvođenje sportskih natjecanja
- djelatnosti sudija i trenera...
- djelatnost škola za sport i rekreaciju

#### **Član 15.**

Savez ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Savez vrši i pružanje usluga u vanjsko-trgovinskom prometu u oblasti registrovane djelatnosti.

#### **Član 16.**

Za srodne privredne djelatnosti koje su neposredno povezane s ostvarivanjem osnovnih statutarnih ciljeva Saveza iz člana 13. ovog statuta, Savez obavezno vodi odvojeno materijalno-financijsko poslovanje.

Višak prihoda nad rashodima koje Savez ostvari iz srodnih privrednih djelatnosti može se upotrijebiti samo za ostvarivanje ciljeva utvrđenih ovim statutom.

## **Međunarodna saradnja**

### **Član 17.**

Međunarodna saradnja Saveza se, u pravilu, vrši se posredstvom KSBIH

Svi sportski radnici i predstavnici udruženih organizacija u sportu obavezni su da svojim nastupom i ponašanjem na međunarodnom planu doprinose ugledu sporta Kantona Sarajevo i Bosne i Hercegovine.

## **III - PRAVA I DUŽNOSTI ČLANOVA**

### **Svojstvo člana Saveza**

#### **Član 18.**

Svojstvo člana Saveza imaju košarkaških klubovi i druga pravna lica iz oblasti košarkaskog sporta čija su sjedista područja Kantona Sarajevo i koja su donjela odluku o osnivanju Saveza ili su u Savez primljena na način i po postupku uređenim ovim Statutom

Članovi Saveza mogu biti i druga pravna lica iz oblasti košarkaskog koja imaju sjedista van područja Kantona Sarajevo uz prethodnu saglasnost Košarkaskog saveza BIH i odluke Skupštine Saveza.

Udruživanje u Savez ne isključuje pravo klubova na druge oblike interesnog udruživanja u skladu sa važećim propisima.

Svi članovi Saveza imaju jednaka prava i obaveze.

#### **Član 19.**

### **Usaglašenost Statuta i drugih opštih akata Saveza**

Statut i druga opšta akta Saveza moraju biti u saglasnosti sa odredbama Zakona o fondacijama i udruženjima Federacije BIH kao i Statutom i drugim opštim aktima KSBIH

Statut i druga opšta akta članova Saveza moraju biti u saglasnosti sa odredbama Zakona o fondacijama i udruženjima Federacije BIH, ovim statutom kao i Statutom i drugim opštim aktima KSBIH.

Ako Upravni odbor Saveza utvrdi da Statut i pojedine odredbe Statuta člana Saveza nije u skladu sa Statutom Saveza zahtjeva da taj član Saveza uskladi svoj Statut ili pojedine odredbe Statuta sa Statutom Saveza u roku od 90 dana.

Ukoliko u roku iz prethodnog stava osporene odredbe Statuta član Saveza ne uskladi Skupština Saveza može donjeti odluku o brisanju tog člana Saveza iz Saveza.

### **Prava članova Saveza**

#### **Član 20.**

Prava članova Saveza su da :

- učestvuju u svim sistemima takmicenja koje organizuje Savez u skladu sa pravilima i propozicijama Saveza
- biraju svoje predstavnike u organe i tijela Saveza i u njima aktivno učestvuju u radu i odlučivanju;

- njihovi predstavnici biraju i budu birani u organe i radna tijela Saveza;
- aktivno učestvuju u utvrđivanju programa i plana rada Saveza, kao i programa takmičenja na nivou Grada i Kantona;
- ostvaruju uvid u rad Saveza, pokreću aktivnosti, predlažu i preduzimaju mjere za ostvarivanje ciljeva, zadataka i programa Saveza;
- ostvaruju međunarodnu saradnju prosredstvom Saveza, saveza osnovanih na širem nivou organizovanja sporta, a po mogućnosti i neposredno;
- ostvaruju zaštitu svojih prava;
- vrše kontrolu rada organa Saveza posredstvom Nadzornog odbora;

## **Obaveze članova Saveza**

### **Član 21.**

Obaveze članova Saveza su da:

- preduzimaju aktivnosti na razvoju i unapređenju košarkaškog sporta;
- prihvataju i poštuju odredbe Statuta Saveza i drugih opštih akata Saveza i da tu obavezu unesu u svoje Statute;
- međusobno sarađuju radi ostvarivanja ciljeva i zadataka iz nadležnosti Saveza;
- poštuju principe "fer – pleja" i dosljedno ih se pridržavaju u svom radu;
- vode posebnu brigu o realizaciji programa priprema i nastupa kandidata za reprezentacije Bosne i Hercegovine;
- da putem svojih predstavnika učestvuju i aktivno doprinose radu organa Saveza i njegovih radnih tijela
- pridržavaju se odluka nadležnih organa Saveza;
- učestvuju u finansiranju djelatnosti Saveza putem članarine
- učestvuju u finansiranju programa i projekata čiji je nosilac realizacije Savez
- onemogućće bilo kakvu političku, vjersku, polnu ili rasnu diskriminaciju i spriječe favorizovanje interesa bilo kog kluba na štetu drugog kluba;

## **Prestanak svojstva člana Saveza**

### **Član 22.**

Članstvo kluba u Savezu prestaje:

- na vlastiti zahtjev
- neplaćanjem članarine pod uslovima uredjenim odlukom o članarini ;
- prestankom pravnog subjektiviteta člana (brisanjem iz registra udruženja);
- odlukom Skupštine Saveza

## **Dokaz svojstva člana Saveza**

### **Član 23.**

Svojstvo člana Saveza dokazuje se Odlukom o osnivanju/udruživanju u Savez, a prestanak toga svojstva Odlukom Skupštine Saveza o isključenju iz Saveza (prestanku članstva) ili Rješenjem o brisanju iz registra udruženja, koje u skladu sa zakonom izdaje nadležni organ.

## **Povlačenje iz članstva**

### **Član 24.**

Klub se može povući iz članstva u Savezu samo na kraju kalendarske godine i pod uslovom da to pismeno najavi tri mjeseca ranije.

## **Odluka o prestanku članstva**

### **Član 25.**

Odluka o prestanku članstva u Savezu donosi se u skladu sa članom 22. ovog Statuta.

## **Kontinuitet pravnog subjektiviteta**

### **Član 26.**

U slučaju da dođe do prestanka članstva u Savezu, pojedinih članova (klubova), Savez nastavlja sa radom i obezbjeđuje kontinuitet pravnog subjektiviteta preostalim svojim udruženim članovima u širim asocijacijama čiji je član.

Savez prestaje sa radom ako broj članova Saveza bude manji od tri udružena člana.

## **Ucesece u sistemima takmicenja nečlanova Saveza**

### **Član 27.**

Košarkaski klubovi čije je sjedište izvan područja Kantona Sarajevo, a koji nisu članovi Saveza mogu učestvovati u košarakaskim takmicenjima koje organizira Savez pod uslovom da za to Savez dobije predhodnu saglasnost KSBIH, da taj košarakaski klub ima registrovane igrace u skladu sa Pravilnikom o registraciji igrača KSBIH, da da izjavu da prihvata sve odluke o takmicenju koje donose Savez kao i da izvrši uplate kotizacije za takmicenje u visini koju odredi Savez.

## **IV – ORGANIZACIJA SAVEZA**

### **Funkcionalno i interesno povezivanje**

#### **Član 28.**

Unutar Saveza predstavnici članova Saveza djeluju u raznim oblicima funkcionalnog i interesnog povezivanja.

U posebne oblike djelovanja mogu se povezivati kadrovi po pripadnosti određenoj struci sudije i treneri.

### **Princip kolektivne i lične odgovornosti**

#### **Član 29.**

Organizacija, sastav i način rada organa i radnih tijela Saveza uređuje se na način da se obezbjedi normalan rad, ravnopravno odlučivanje i odgovornost udruženih klubova u organima i tijelima Saveza na ostvarivanju prava i dužnosti utvrđenih ovim Statutom i drugim opštim aktima Saveza. Svaki član organa i tijela Saveza lično je odgovoran za svoj rad i odluke organa i tijela čiji je član.

## **V - ORGANI SAVEZA**

### **Član 30.**

Organi Saveza su:

1. Skupština
2. Upravni odbor
3. Nadzorni odbor

Savez može, na način na koji se donose odluke, obrazovati i druge organe i tijela ako to doprinosi efikasnijem i racionalnijem radu.

Savez ima Generalnog sekretara kojeg imenuje Upravni odbor .

## **1. Skupština**

### **Član 31.**

Skupština je najviši organ Saveza.

Skupštinu čine po dva predstavnika svakog od članova Saveza.

Predstavnike u Skupštinu Saveza imenuju članovi Saveza.

Ukupan broj predstavnika članova u Skupštini Saveza odgovara ukupnom broju članova Saveza pomnoženim sa dva na dan kada zasjeda Skupština Saveza..

Skupština ima Predsjednika i dva potpredsjednika, koje bira iz svojih redova na mandat od četiri godine.

### **Član 32.**

Skupština :

- donosi Statut i druge opšte akte Saveza i njihove izmjene i dopune;
- donosi Poslovnik o radu Skupštine;
- bira i razrješava članove Upravnog odbora
- bira i razrješava predsjednika i zamjenika predsjednika Upravnog odbora ;
- bira i razrješava predsjednika i članove Nadzornog odbora i njihove zamjenike
- donosi poslovne planove i programe rada
- razmatra i odlučuje o izvještajima o poslovanju i programa rada Saveza
- odlučuje o prijemu u članstvo i prestanku članstva;
- donosi odluku o osnivanju privrednog društva ili drugog pravnog lica za obavljanje privredne ili druge djelatnosti;
- odlučuje o vanrednim pravnim lijekovima;
- odlučuje o prestanku rada Saveza;
- vodi brigu o javnosti rada i odgovornosti izabраниh predstavnika i rukovodilaca u organima Saveza;
- obavlja i druge poslove od značaja za realizaciju ciljeva i funkcija Saveza u skladu sa Zakonom, ovim Statutom i drugim aktima.

### **Član 33.**

Skupština može, u okviru svojih prava i obaveza, da formira stalna i povremena radna tijela, čiji djelokrug i sastav se utvrđuju odgovarajućom odlukom .

### **Član 34.**

Skupština svoje funkcije ostvaruje na redovnim sjednicama, koje se u pravilu dva puta godišnje i to po završetku takmičarske sezone i u posljednjem mjesecu tekuće godine.

Na kraju svakog četvorogodišnjeg ciklusa održava se izborna Skupština na kojoj se biraju organi Skupštine.

Skupština može biti sazvana za vanredno i tematsko zasjedanje na kojima se raspravlja i odlučuje samo o pitanjima radi kojih su sazvane.

Troškove učesnika sjednica Skupštine snose članovi Saveza , a ostali troškovi organizacije skupštine realizuju se kroz finansijski plan Saveza.

### **Član 35.**

Sjednice Skupštine saziva Predsjednik po vlastitoj inicijativi ili zahtjev Upravnog odbora ili na zahtjev najmanje polovine od ukupnog broja članova Saveza. .



Radom Skupštine rukovodi Predsjednik, a u slučaju njegove odsutnosti ili spriječenosti jedan od potpredsjednika.

Rad na Osnivackoj Skupštine uređuje u odlukom o osnivanju Saveza.

Rad Izborne Skupštine uređuje se Poslovníkom Skupštine .

### **Član 36.**

Skupština može otpočeti sa radom i punovazno odlucivati ako je Skupštini prisutna vecina od ukupnog broja predstavnika članova Saveza .

Skupština , u pravilu , donosi odluke, vecinom od ukupnog broja prisutnih predstavnika članova Saveza u Skupštini.

### **Član 37.**

Skupština donosi odluke dvotrecinskom vecinom od ukupnog broja predstavnika članova u Skupštini kada odlucuje o :

- promjenu sjedišta Saveza;
- izmjene i dopune Statuta;
- prestanku rada Saveza
- potrebi zamjene predstavnika člana Saveza u Skupštini Saveza zbog grubog i visekratnog nepoštovanja Statuta ili/i Poslovníka o radu Skupštine

### **Član 38.**

Odluke Skupštine stupaju na snagu danom donosenja i biće izvrsne danom donosenja ako Skupština drugačije ne odluči.

Način rada Skupštine uređuje se Poslovníkom o radu.

### **Član 39.**

Svoje predstavnike u Skupštini Saveza imenuje svaki član Saveza .

Imenovanje iz predhodnog člana se dokazuje sa odgovarajućom punomoci koju član Saveza dostavlja Strucnoj sluzbi ili ovlastenom licu Saveza

Mandat predstavnika članova Skupštine u Skupštini saveza je /4/ godine.

Mandat članu Skupštine može prestati:

- istekom vremena na koje je biran,
- ostavkom,
- opozivom člana Saveza koji ga je imenovao
- istupanjem člana Saveza iz članstava u Savezu
- odlukom Skupštine Saveza
- izborom predstavnika člana Saveza u Upravni odbor Saveza ili Nadzorni odbor Saveza ili za Generalnog sekretara saveza
- upošljavanjem u Strucnu sluzbu Saveza

### **Član 40.**

Predstavnik člana Saveza u Skupštini Saveza mora biti moralna i poštena osoba koja je svojim radom ,entuzijazmom i ljubavlju prema košarskome sportu doprinosila ili/i doprinosi unapredjenju i razvoju košaraskog sporta i koja može svojim strucnim i ljudskim kvalitetima doprinjeti da Savez ostvarjuje svoje ciljeve utvrdjene ovim Statutom i drugim opštim aktima. Predstavnik člana Saveza u Skupštini Saveza ima pravo i obavezu da :

- prisustvuje i učestvuje u radu svake sjednice Skupštine

- bira ili bude biran u organe Saveza ili organe drugih sportskih asocijacija
- u svojim istupima zatupa interes člana Saveza koji ga je imanovao u duhu pravila i propisa koje je Savez utvrdio / Statut, Poslovnik, opšta akata i sl. /

Za svoj rad u Skupštini Saveza predstavnik člana Saveza ne prima nikakvu naknadu.

## 2. Upravni odbor

### Član 41.

Upravni odbor je izvršni organ Saveza koji ima 9/devet/ članova.

Skupština vrši izbor članova Upravnog odbora na prijedlog članova Saveza .

Izbor članova Upravnog odbora vrši se javnim ili tajnim glasanjem o čemu odlučuje Skupština. Ako je predstavnik člana Saveza u Skupštini izabran za člana Upravnog odbora tom predstavniku predstaje mandat Skupštini, a člana Saveza čiji je predstavnik u Skupštini izabran za člana Upravnog odbora će imenovati novog predstavnika u Skupštini.

Mandat članovima Upravnog odbora traje četiri godine

Mandat članu Upravnog odbora može biti obnovljen još jednom.

Upravni odbor radi kao kolektivni organ i vrši se podjela zaduženja na pojedina područja rada.

Sjednicom Upravnog odbora rukovodi Predsjednik., a u njegovoj odsutnosti Zamjenik predsjednika.

Predsjednik, Zamjenik predsjednika i članovi Upravnog odbora za svoj rad u Upravnom odboru ne primaju novacnu ili bilo koju drugu vrstu nakande.

### Član 42.

Upravni odbor :

1. Provodi i stara se o provođenju zaključaka i odluka Skupštine,
2. Upravlja i rukovodi radom i imovinom Saveza,
3. Utvrđuje prijedlog Statuta, i drugih opštih akata iz nadležnosti Skupštine i njihovih izmjena i dopuna,
4. donosi pravilnik o takmičenju na nivou Regije;
5. odlučuje o zalbama na odluke radnih tijela /Upravnog odbora osim na odluke Arbitražne komisije
6. odlučuje o visini članarina, kotizacija za takmicenja, naknadama za registracije igrača, nakandama za žalbe na odluke radnih tijela i drugim vrstama nakanda
7. Imenuje disciplinsku, takmičarsku, registracionu, sudijsku, trenersku, arbitražnu komisiju i članove drugih radnih tijela Upravnog odbora
8. Predlaže Skupštini programe rada sa finasijskim planovima kao i srednjoročni poslovni plan Saveza te planove razvoja košaraskog sporta kao dijelove društveno-ekonomskih planova opština, Grada i Kantona
9. Utvrđuje politiku međunarodne sportske saradnje,
10. Donosi poslovnik o svome radu,
11. Uređuje izgled znaka, amblema, te način njihove upotrebe i zaštite,
12. Imenuje predstavnike Saveza u domaćim i međunarodnim sportskim asocijacijama i utvrđuje stavove i sastave delegacija za učešće na zasjedanjima domaćih i međunarodnih sportskih asocijacija i tijela u koje su pozvani,
13. Donosi opšta akta iz svoje nadležnosti,
14. Osniva stalna i povremena radna tijela, imenuje i razrješava njihove sastave, daje saglasnost na programe rada, usklađuje njihov rad i razmatra izvještaj o radu,
15. Brine se o izvršenju predviđenih programa.

16. Stara se da se prate, prikupljaju i objedinjuju rezultati sportskih takmičenja po granama sporta,
17. Stara se da se vode evidencije utvrđene Zakonom i Pravilnikom, a u skladu sa ugovorom sa Ministarstvom kulture i sporta,
18. Usklađuje rad udruženih organizacija sporta
19. Donosi potrebne odluke o obavljanju stručnih poslova i radu stručne službe
20. Utvrđuje prijedlog Finansijskog plana i Izvještaja o poslovanju,
21. Organizuje markentišku službu
22. Donosi odluke o dodjeli priznanja, pohvala i nagrada.
23. Odlučuje i o drugim pitanjima predviđenim ovim Statutom i drugim opštim aktima Saveza, te vrši druge poslove Saveza koji nisu obuhvaćeni ovim Statutom.
24. Imenuje Generalnog sekretara Saveza

#### **Član 43.**

Upravni odbor može punovažno odlučivati ako sjednici prisustvuje više od polovine od ukupnog broja članova Upravnog odbora

Upravni odbor odluke donosi većinom prisutnih članova,

Generalni sekretar Saveza je odgovoran za uredno i bgovremeno pozivanje članova Upravnog odbora na sjednicu Upravnog odbora.

#### **Član 44.**

Između sjednica Upravnog odbora o hitnim pitanjima odluke donosi Predsjednik Upravnog odbora nakon konsultacija sa članovima Upravnog odbora , a po potrebi u saradnji sa rukovodiocem nadležnog radnog tijela.

Na prvoj narednoj sjednici Upravnog odbora, se obavezno vrši verifikacija odluka donesenih na način iz predhodnog stava.

#### **Član 45.**

Predsjednik Upravnog odbora :

1. predstavlja i zastupa Savez i rukovodi radom Upravnog odbora ,
2. stara se da rad Saveza bude u skladu sa Zakonom, Statutom i drugim opštim aktima Saveza,
3. potpisuje opšta i druga akta koja donosi Upravni odbor ,
4. prati provođenje programa rada, odluka i zaključaka Skupštine, Upravnog odbora i radnih tijela Saveza,
5. obavlja i druge poslove koje mu povjeri Skupština ili Upravni odbor .

Predsjednik , Zamjenik predsjednika i članovi Upravnog odbora su za svoj rad odgovorni Skupštini Saveza.

#### **Radna tijela Upravnog odbora**

#### **Član 46.**

Upravni odbor radi obavljanja stručnih zadataka osniva stalna i povremena radna tijela . Kao savjetodavni organ Upravni odbor može formirati savjet Saveza koji čine predsjednik Upravnog odbora i predsjednici najvisih organa članova Saveza .

#### **Član 47.**

Upravni odbor svoja stalna ili/i povremena radna tijela obrazuje i imenuje posebnom odlukom . Upravni odbor je obavezan da obrazuje i imenuje ona radna tijela koja se odnose na oblast takmicenja , discipline , registracije, sudija i trenera kao i Arbitraznu komisiju .

Rad i postupci u radu radnih tijela iz predhodnog stava uređeni su odgovarajućim aktima Saveza i KS BIH.

Opšta i posebna akata kao i pojedine odluke Saveza moraju biti u saglasnosti sa Statutom i drugim opštim aktima KSBIH

Svoje stavove o pitanjima iz svoje nadležnosti radna tijela donose u formi odluka.

Na odluke radnih tijela nezadovoljna strana se može žaliti Upravnom odboru osim na odluke Komisije za registraciju igrača kada se nezadovoljna strana može žaliti Arbitražnoj komisiji Saveza.

Odluke Upravnog odbora po zahtjevima na odluke radnih tijela smatraju se konačnim i izvršnim sa stanovišta Saveza, a nezadovoljna strana može pokrenuti spor kod nadležnog suda.

Pokretanje spora kod nadležnog suda ne odlaze izvršenje odluka Upravnog odbora po zahtjevima na odluke radnih tijela.

Odluke Arbitražne komisije se smatraju konačnim i izvršnim sa stanovišta Saveza osim u slučajevima kada je u skladu sa Pravilnikom o registraciji igrača određeno da se sporovi o registraciji igrača u Savezu rješavaju u organima KSBIH.

Pokretanje spora o registraciji igrača iz nadležnosti organa KSBIH odlaze izvršenje odluka Komisije za registraciju igrača i Arbitražne komisije Saveza.

### **3. Nadzorni odbor**

#### **Član 48.**

Nadzorni odbor je nadležan za praćenje zakonitosti rada Saveza.

Nadzorni odbor ima predsjednika i dva člana.

Članove Nadzornog odbora bira Skupština između istaknutih stručnjaka za oblasti ekonomije, finansija i prava na prijedlog članova Saveza.

Članovi Nadzornog odbora ne mogu biti članovi Skupštine ili Upravnog odbora, niti imati bilo koju drugu funkciju unutar Saveza.

Mandat članova Nadzornog odbora traje četiri (4) godine.

#### **Član 49.**

Nadzorni odbor održava sjednice po potrebi, a obavezno pred sjednicu Skupštine na kojoj se odlučuje o poslovanju Saveza ili usvajaju dokumenti materijalno-finansijskog poslovanja (npr. Plan i program rada, Finansijski izvještaj o radu i sl.)

Sjednice Nadzornog odbora saziva Predsjednik Nadzornog odbora po sopstvenoj ocjeni, kao i na zahtjev ili najmanje 1/3 članova Saveza.

Nadzorni odbor radi u sjednicama. Radom rukovodi predsjednik Nadzornog odbora.

Nadzorni odbor svoje odluke, u pravilu, donosi konsenzusom.

Kada jednoglasnost nije moguće postiže odlučuje većinom glasova, s tim da one obavezno sadrže i izdvojeno mišljenje.

Svoje Odluke Nadzorni odbor u pisanom obliku dostavlja Skupštini, Predsjedništvu i radnom tijelu na čiji rad se odnosi.

#### **Član 50.**

Nadzorni odbor o svojim nalazima i utvrđenim činjenicama u pogledu izvršavanja zaključaka i odluka Skupštine i Upravnog odbora, pravilnosti materijalno-finansijskog poslovanja Saveza i njegovih organa, podnosi izvještaj na sjednici Skupštine jednom godišnje i po potrebi, a također svaki put o tome upoznaje Upravni odbor.

## **VI – STRUČNA SLUŽBA**

### **Član 51.**

Za obavljanje stručnih, finansijskih, administrativno-tehničkih, pomoćnih i sličnih poslova za potrebe organa Saveza i drugih oblika organizovanosti, Savez ima Stručnu službu. Obim i način obavljanja poslova, utvrdiće se posebnim opštim aktom Upravni odbor. Stručnom službom rukovodi Generalni sekretar.

### **Generalni sekretar Saveza**

### **Član 52.**

Generalnog sekretara Saveza postavlja i razrješava Upravni odbor nakon objavljenog konkursa . Upravni odbor uvrđuje uslove konkursa za postavljenje Generalnog sekretara .

Za svoj rad odgovoran je Upravnom odboru.  
Generalni sekretar je lice sa posebnim ovlaštenjima i odgovornostima.  
Generalni sekretar je na stalnom radu u Savezu

### **Član 53.**

Generalni sekretar postupa u skladu sa odlukama, zaključcima i stavovima Skupštine i Upravnog odbora

Generalni sekretar prisustvuje sjednicama Skupštine i Upravnog odbora je bez prava odlučivanja. Generalni sekretar prisustvuje sjednicama Nadzornog odbora ili radnih tijela Upravnog odbora po pozivu.

Samostalan je u vršenju poslova iz svog djelokruga,

Odgovoran je za zakonitost u radu Stručne službe Saveza.

U slučaju spriječenosti ili odsutnosti, zamjenjuje ga lice koje odredi Upravni odbor .

### **Član 54.**

Generalni sekretar zaključuje ugovor o radu sa Savezom u skladu sa opštim propisima i odgovarajućim aktima Saveza

Generalni sekretar ne može biti član organa ili na bilo koji način društveno ili profesionalno povezan sa bilo kojim članom Saveza...

Upravni odbor može razriješiti dužnosti i raskinuti ugovor o radu Generalnom sekretaru ako utvrdi da ne izvršava zadatke i obaveze koji su mu povjereni ili se steknu neki drugi opravdani razlozi za takvu odluku.

### **Član 55.**

Generalni sekretar obavlja poslove utvrđene ovim Statutom i drugim aktima, a naročito:

1. zastupa Savez u pravnom prometu sa trećim licima,
2. stara se i preuzima mjere za realizaciju plana i programa Saveza, kao i o provođenju odluka Skupštine, Upravnog odbora i radnih tijela Saveza,
3. obavlja stručne poslove i rukovodi stručnom službom,
4. odgovoran je za blagovremenu pripremu sjednica Skupštine, Upravnog odbora i njihovih radnih tijela,
5. obavlja poslove koji se odnose na registraciju Saveza i osnivanje pravnih lica koje osniva Savez
6. organizuje i priprema nacрте normativnih akata i drugih materijala koji se razmatraju na sjednicama Skupštine, Upravnog odbora i radnih tijela,
7. brine o sredstvima i njihovom racionalnom i zakonitom korištenju u skladu sa finansijskim planom,
8. saraduje sa informativnim medijima i informiše javnost o radu Saveza,
9. naredbodavac je za izvršenje finansijskog plana
10. odgovoran je za zakonito finansijsko poslovanje Saveza

11. obavlja i druge poslove koji su mu stavljeni u obavezu od strane Skupštine, Upravnog odbora i Predsjednika Upravnog odbora ..

## **Stručni konsultanti**

### **Član 56.**

Organi Saveza i Generalni sekretar mogu angažirati stručna lica za izvršenje određenih poslova i zadataka za potrebe Saveza.

O uslovima i postupku angazovanja lica iz prethodnog stava odlučuje Predsjedništvo/Upravni odbor, a Generalni sekretar na osnovu odluke Upravnog odbora.

## **VII – STICANJE I RASPOLAGANJE IMOVINOM**

### **Finansijsko poslovanje**

#### **Član 57.**

Savez stiče sredstva za svoju djelatnost iz slijedećih izvora:

- članarine
- kotizacije klubova za provodjenje sistema takmicenja
- naknada za registracije igrača
- priloga članova Saveza za određene projekte koje koje utrdjuje ili/i realizira Savez
- iz prihoda od vlastite djelatnosti,
- od sponzorstva i donatorstva,
- iz budžeta Kantona, Grada ili opština sa područja Kantona,
- iz dobiti privrednih društava i drugih pravnih lica koje osnuje;
- i iz drugih izvora.

#### **Član 58.**

Visina sredstava za finansiranje rada Saveza i njegove Stručne službe utvrđuje se finansijskim planom za svaku godinu na osnovu programa rada.

O vanrednim prihodima i rashodima, koji nisu predviđeni finansijskim planom, odlučuje Upravni odbor, a njihovu raspodjelu verifikuje Skupština.

#### **Član 59.**

Sredstva se koriste na osnovu Programa rada i Finansijskog plana.

Finansijsko i materijalno poslovanje se vodi u skladu sa važećim propisima.

### **Privredna djelatnost**

#### **Član 60.**

Savez može obavljati nesrodne privredne djelatnosti u cilju ostvarivanja svog Programa rada i razvoja samo preko privrednih društava i drugih pravnih lica koje za tu svrhu osnuje.

Privredne djelatnosti iz prethodnog stava obavlja za to osnovano privredno društvo ili drugo pravno lice u skladu sa važećim propisima.

Međusobni odnosi Saveza i osnovanog pravnog lica regulišu se ugovorom u skladu sa osnivačkim aktom.

Sredstva dobivena obavljanjem privredne djelatnosti mogu se upotrebljavati namjenski samo za aktivnost na ostvarivanju programa Saveza.

## **VIII – PRAVA I DUŽNOSTI SPORTISTA**

### **Član 61.**

Status, prava i dužnosti košarkaša uređuju se kodeksom .  
Ovi kodeksi verifikuju se od strane Saveza radi ujednačavanja kriterija za verifikaciju statusa sportista i deponuju kod Stručne službe Saveza.

## **IX – NAGRADE, POKLONI, PRIZNANJA I POHVALE**

### **Član 62.**

Skupština i Upravni odbor mogu svojim članovima i zaslužnim pojedincima, istaknutim košarkašima, ustanovama i privrednim društvima, dodjeljivati nagrade, poklone i priznanja ili izreći pohvale za njihov doprinos ostvarenim dostignućima u razvoju košarke na području Kantona Sarajevo .

Dodjela nagrada poklona i priznanja, te izricanje pohvala, uređuje se posebnim pravilnikom.

## **X – JAVNOST RADA**

### **Član 63.**

Rad Saveza je javan.

Javnost rada obezbjeđuje se:

- javnim održavanjem sjednica svih organa i tijela Saveza;
- blagovremenim informisanjem udruženih klubova u Savez o njegovim aktivnostima;
- obavještanjem medija o sjednicama organa i aktivnostima Saveza;
- objavljivanjem i dostavljanjem biltena.

Skupština , Upravni odbor odnosno radana tijela Saveza mogu odluciti da sjednicama Skupštine, Upravnog odbora i radnim tijalima prisustvuju samo predstavnici članova Saveza u Skupštini ili/i članovi Upravnog odbora ili/i članovi radnih tijela.

## **XI - SPOROVI**

### **Član 64.**

Klubovi i službena lica Saveza ne mogu sporove sa Savezom i međusobne sporove iznositi pred redovne sudove, dok ne iscrpe sve mogućnosti sportskog pravosuđa.

## **XII – STATUT I DRUGI OPŠTI AKTI**

### **Član 65.**

Statut Saveza i njegove izmjene i dopune donosi Skupština dvotrecinskom vecinom od ukupnog broja pristunih predstavnika članova Saveza na Skupštini.

Opšte akte, Pravilnike i odluke iz nadležnosti Skupštine donose se prostom većinom prisutnih predstavnika članova na Skupštini

## **XIII- PRELAZNE I ZAVRŠNE ODREDBE**

### **Član 66.**

Odluku o prestanku rada Saveza donosi Skupština Saveza dvotrecinskom vecinom od ukupnog broja pristunih predstavnika članova Saveza na Skupštini.

U slučaju prestanka rada Saveza, imovina Saveza kao i njegove i obaveze prelaze na članove Saveza prema odgovarajućoj odluci koju donosi Skupština .

#### **Član 67.**

Opšta akta klubova i Saveza moraju se uskladiti sa ovim Statutom u roku od šest mjeseci od njegova stupanja na snagu.

Rad u klubu smatra se društvenom funkcijom.

Građani-nosioci funkcija u klubu su lično odgovorni za poslove koje su svojim udruživanjem i organizovanjem preuzeli.

#### **Član 68.**

Stupanjem na snagu ovog Statuta prestaje da vazi Statut od 10.novembra 2004 godine.

Za tumačenje odredbi ovog Statuta nadležan je Upravni odbor .

#### **Član 69.**

Ovaj Statut stupa na snagu danom donošenja.

Predsjednik Skupštine

Nihad Selimović

---

Broj \_\_\_\_\_/04

Sarajevo, 16. decembar .2004. godine